

Ihumanea Pāngarau Whakataetae Tēnehi MĀ TE KAI AKO

Kia Mōhio te Ākonga ki:

- te whiriwhiri i tētahi rautaki arorau

Kupu Matua:

kēmutaka, whiringa whāiti, whiringa whakamutunga


Whāinga Paetae:

Taumata 4, Te Whakamahinga o te Pāngarau

Ka mārama te ākonga, ka torotoro hoki ia i ngā tini whakamahinga o te pāngarau e hāngai ana ki te hapori e noho nei ia. Me kākahu anō ngā whāinga paetae ki ngā momo horopaki o te hapori.

Hei Mahi:

Tokowaru ngā kaitākaro tēnehi i tētahi whakataetae. Ka wehea kia rua ngā rōpū o ngā kaitākaro e whā. Ka tākaro ia tangata ki ērā atu o ngā tāngata katoa o tana rōpū



1. E hia ngā kēmu o ia kaitākaro?
E 3 atu anō ngā tāngata o ia rōpū hei tākaro mā ia kaitākaro, nō reira e 3 ngā kēmu a ia kaitākaro.
2. E hia ngā kēmu o ia rōpū kaitākaro?

| rōpū 1 | rōpū 2 |
|----------|----------|
| 1 ki a 2 | 5 ki a 6 |
| 1 ki a 3 | 5 ki a 7 |
| 1 ki a 4 | 5 ki a 8 |
| 2 ki a 3 | 6 ki a 7 |
| 2 ki a 4 | 6 ki a 8 |
| 3 ki a 4 | 7 ki a 8 |

E 6 ngā kēmu o ia rōpū

Ko ngā kaitākaro toa me ngā mea tuarua o ia rōpū ka uru atu ki te whiringa whāiti. Ko ngā toa e rua o ngā whiringa whāiti ka uru atu ki te whiringa whakamutunga.

3. E hia ngā kēmu katoa a ngā kaitākaro ka tae ake ki te whiringa whakamutunga?
E 3 ana kēmu i tana rōpū. Ko te whiringa whāiti, ko te whiringa whakamutunga hoki. Nō reira e 5 katoa ngā kēmu a ngā tāngata ka tae ake ki te whiringa whakamutunga.
4. E hia katoa ngā kēmu i te whakataetae tēnei nei?
E 6 ngā kēmu o ia rōpū, ko te 12 tērā. E rua ngā kēmu i te whiringa whāiti, kotahi te kēmu i te whiringa whakamutunga. Hui katoa, 15 ngā kēmu.
5. Tuhia he kēmutaka mō te whakataetae nei. E whā ngā papa tākaro e wātea ana, me tīmata te whakataetae i te 9.00 i te ata, me mutu i mua i te 5.00 i te ahiahi, ā, me whakarite kia kotahi hāora mō ia kēmu (ahakoa he poto ake i tēnei ētahi o ngā kēmu). Me āta whakaaro anō he wā whakatā i waenganui i ia kēmu, he wā kai anō i waenganui o te rā.

Hei tauira kēmutaka:

| te wā | papa tākaro 1 | papa tākaro 2 | papa tākaro 3 | papa tākaro 4 |
|---------------|---|---|---------------|---------------|
| 9:00 – 10:00 | 1 ki a 2 | 3 ki a 4 | 5 ki a 6 | 7 ki a 8 |
| 10:30 – 11:30 | 1 ki a 3 | 2 ki a 4 | 5 ki a 7 | 6 ki a 8 |
| 12:00 – 1:00 | 1 ki a 4 | 2 ki a 3 | 5 ki a 8 | 6 ki a 7 |
| 1:00 – 2:00 | Te kai o te rānui | | | |
| 2:00 – 3:00 | whiringa whāiti 1: te toa o te rōpū 1 ki te tuarua o te rōpū 2 | whiringa whāiti 2: te toa o te rōpū 2 ki te tuarua o te rōpū 1 | | |
| 3:30 – 4:30 | whiringa whakamutunga | | | |